

WGC(22)10

Kalaallit Nunaata Kitaani Atlantikup kapisilianik aalisarnermi malittarisassiornikkut aaqqissuussinerit ukiuni arlaqartuni atuuttussat

INNERSUUSSUTIGALUGU Atlantikup Avannaani Imapimmi Kapisillit Piujuartinnissaat pillugu Isumaqatigiissummut (Convention for the Conservation of Salmon in the North Atlantic Ocean) akisussaaffik Kalaallit Nunaata Kitaanut Kommissionimut (WGC / West Greenland Commission) tunniunneqartoq, tassungalu atatillugu artikel 9,

INNERSUUSSUTIGALUGUTTAAQ Nunani tamalaani Immamik Misissuisarnermut Siunnersuisoqatigiit / International Council for the Exploration of the Sea (ICES-ip) ilisimatuussutsikkut siunnersuinerani sivisuumik atuunnikuusumi aqutsinissamut anguniakkat Atlantikup Avannaani Kapisillit Piujuartinnissaannut Suleqatigiiffimmit (North Atlantic Salmon Conservation Organization-imit / NASCO-mit) isumaqatigiissutigineqartut naapertorlugit, annertunerpaamillu piujuartitsineq tunngavigalugu pissarsiarineqarsinnaasut (Maximum Sustainable Yield /MSY) naapertorlugit, Kalaallit Nunaata Kitaani aalisagaqatigiiaanik akuleriissunik aalisarnissaq periarfissaanngitsaq,

ISIGINIARLUGU Kalaallit Nunaata aalisarnermik pinngitsuuisinnaannginnera, Kalaallit Nunaannilu namminerimi atugassanik kalaallinut innutaasunut pingaarutilimmik Kalaallit Nunaata ingerlatsinikuunerani, aamma Atlantikup kapisilii amerlaqisut assigiinngisitaartut Kommissionimi ilaasortat allat kuuineersut kalaallinit innuttaasunit atugaanerat, taakkunungalu atatillugu kapisileqatigiiaat nungutaanissaminnut ulorianartorsiortinneqarnerat,

MIANERARLUGU ilisimatuussutsikkut siunnersuinerup ICES-imit NASCO-mut tunniunneqartup sapinngisaq malillugu annertunerpaamik oqimaaqatigiinnissaanik soqutigisaqarnerat, kapisileqatigiillu piujuartinnissaannut pisariaqartitsineq – immikkullu kapisileqatigiiaanut sanngiinnerpaanut sunniutaasut annikinnerpaatinniarnani - aalisarnerup eqqartuussisulersuussinermik kinguneqartinneqarsinnaanera,

AKUERSAARLUGIT malittarisassiornierit 2018-imi WGC-mit akuerineqarnikuusut, ilaatigullu aalajangersakkat pingaarutillit tassunga ilaatinneqartut alapernaarsuinermut, nakkutilliinermit nalunaarsuisarnermullu tunngasut, taakkulu naammassinissaannut Kalaallit Nunaata pingaarutilimmik ilungersuuteqarnera, aalajangersakkanullu allanut atatillugu aqutsinermut annertuumik aalajangersimasumillu ingerlatsinerup siamasissumik isumannaarneqarnissaa,

AKUERSAARLUGUTTAAQ utaqqiisaasumik ukiumut ataatsimut malittarisassiorneq WGC-mit 2021-mi akuerineqartoq; aamma

MALUGINIARLUGU Atlantikup kapisilia pillugu Kalaallit Nunaata nunami namminerimi inatsiseqarnera, Atlantikup kapisilia pillugu aqutsinissamut pilersaarummik nutaamik ineriartortitsisoqarnera, tamatumalu sunniuteqartumik ingerlannissaanut pisussaaffeqarneq, Kommissionimi ilaasortat taamaalillutik ima isumaqatigiipput:

- (1) Kitaani Atlantikup kapisilianik aalisarnermi alapernaarsuinermit, aqutsinermut, nakkutilliinermit misissuisarnermullu atatillugu ingerlatsiinnarnissamut pisariaqarneranilu iliuuserisartakkanik ineriartorteqqinnissamut ingerlatsinerup attatiinnarnissaa pillugu Danmark (Savalimmiut aamma Kalaallit Nunaat sinnerlugit) isumaqataavoq. Minnerpaamik uku ilaatinneqassapput: (a) aalisarnerup piffissami augustip novembarillu akornanni attatiinnarnissaa, (b) piffissami aalisarfiusumi

sunniuteqarluartumik alapernaarsuineq aqutsinerlu isumannaarniarlugit pisat pillugit nalunaarsuutunik katersinissamut nalunaartarnissamullu tamakkiisumik piffissarlu eqqorlugu isumannaarisoqartassasoq, (c) kikkulluunniit Atlantikup kapisilianik aalisartut aalisarsinnaanermut akuersissutaateqassasut, (d) akuersissuteqarani Atlantikup kapisilianik aalisarneq inerteqqutaasoq, aamma (e) inuussutissarsiutigalugu aalisartut pisamik tuniniarnissaannut kisimik akuerisaasut, taamaallaallu kalaalimineerniarfinni suliffeqarfinnilu.

- (2) Akuersissummik piumasqaammut atatillugu qinnuigineqarneq tunngavigalugu NASCO-mi misiligutissanik tigusisarnissamut aaqqissuussinermut iluaqutissatut aalisartut piunaffigineqarnermini pisaminnit misiligutissanik tigusisarnissaannik akuersaartarnissaat Danmarkip (Savalimmiut aamma Kalaallit Nunaat sinnerlugit) akueraa.
- (3) (a) Atlantikup kapisiliinik nujuartanik taakkunaniillu tunisassianik Kalaallit Nunaannit nunanut allanut annissisarnerup inerteqqutaanerata nanginneqarnissaa, aamma (b) aalisakkanik suliffissuarnut Atlantikup kapisiliinik nunniussisarnerup tunisisarnerullu inerteqqutaanerata nanginneqarnissaa Danmarkip (Savalimmiut aamma Kalaallit Nunaat sinnerlugit) akueraa.
- (4) Kitaani Atlantikup kapisilianik aalisarnermi immikkoortuni suugaluartuniluunniit pisarineqarsinnaasutut akuerisat tamarmiusut (TAC) 27 tonsiusasut Danmarkip (Savalimmiut aamma Kalaallit Nunaat sinnerlugit) akueraa. Pesarinningsuukkat ukiumut tulliuuttumut nuunneqarsinnaannginnerat Danmarkip (Savalimmiut aamma Kalaallit Nunaat sinnerlugit) akueraa.
- (5) Malittarisassa qarfiup matuma ukiuani siullermi pisat nalunaarsorneqartut katillugit TAC-p annertunerpaamik 49 %-ii anguneqarpata Kitaani aalisarnerup matuneqarnissaa Danmarkip (Savalimmiut aamma Kalaallit Nunaat sinnerlugit) akueraa. Danmarkip (Savalimmiut aamma Kalaallit Nunaat sinnerlugit) killiliussap tamatuma anguneqannginnerani maanna siusinnerusukkullu aalisarnerup nalaani paasisatut katersat tunngavigalugit Kitaani aalisarneq matusinnaavaa, nikerarsinnaasut arlallit soorlu pisat nalunaarsorneqarnerat silallu pissusia eqqarsaatigineqassammata. Piffissami malittarisassa qarfiusumi uani pineqartumi siusinnerusukkat misilittakkat aamma aqutsinermut iliuutsit nutaat naatsorsuutigisatut sunniutaat tunngavigalugit WGC siunersioqatigalugu procentiliusaaq siuliani taaneqartoq ukiuni tulliuuttuni naleqqussarneqarsinnaavoq.
- (6) Piffissaatillugu nalunaartarnerup nalunaarsuisarnerullu pitsaanerulernissaanik ilungersuuteqarnermut iluaqutissatut, TAC-llu ataqqineqarnissaanik isumannaariniarnermi, pisat pillugit paasisutissat ullormoortumik katersortarnissaat nalunaarsortarnissaallu kiisalu kommuninit aalisartuniillu piffissaatillugu nalunaartarnerup suli pitsaanerulersinnissaa Danmarkip (Savalimmiut aamma Kalaallit Nunaat sinnerlugit) akueraa. Iliuutsinit taakkunanit inerniliussat WGC-mut ukiumoortumik nalunaarutigineqartarnissaat Danmarkip (Savalimmiut aamma Kalaallit Nunaat sinnerlugit) isumaqatigaa.
- (7) Akuersissutaatillit pisaminnik piffissap piumasarineqartup ingerlanerani nalunaaruteqanngitsut, tassungalu atatillugu pisaqarsimanningsut, ukiumi tulliuuttumi akuersissusiunneqannginnissaat Danmarkip (Savalimmiut aamma Kalaallit Nunaat sinnerlugit) akueraa.
- (8) Aalisartuminnut nalunaartarneq pitsaanerulersinniarlugu ilassutitut iliuutsit makku minnerpaamik iliuuseqarfigineqartarnissaat Danmarkip (Savalimmiut aamma

Kalaallit Nunaat sinnerlugit) akueraa: (a) Akuersissutaatillit pillugit attaveqarnissamut paasissutissat pitsaanerulersinneqarnissaat, (b) ullormoortumik nalunaartarnermut eqqaasitsissutit pisariaqartut inunnut ataasiakkaanut tamanullu nassiuttarnissaat, (c) akuersissutaatilinnut pisaqarnerpaasunut ullormoortumik nalunaartarnissap eqqaasitsissutigisarnissaa, (d) kapisilinniarnep nalaani paasitsiniaasarnep ingerlanneqartarnissaa, (e) aalisarnermit angusat pillugit malittarisassanillu naapertuinnermut tunngasunik kapisilinniareernerup kingorna aalisartunut aalisarnermillu ingerlatsiffiusuni innuttaasunut paasitsiniaasarnep ingerlanneqarnissaa; aamma (f) nalunaartarnerup pisanillu paasissutissat pitsaanerulersinniarlugit aalisarnerup naammassinerani ukiut tamaasa nalunaartarnissamut pisussaataaangitsut tuaviornepaamik attavigineqartarnissaat. Kapisilinniareernerup kingorna akuersissutaatilinnik paasiniaanerit qisuariarnerillu tiguneqartut saniatigut iliuusissallu timitalereernerisigut annerunerusumik iliuuseqartoqarsinnaavoq.

- (9) Kitaani Atlantikup kapisilianik aalisarnermik alapernaarsuinnermi, aqutsinnermi, nakkutilliinnermi misissuisarnermilu malunnaatilimmik allanngortoqarsimatillugu NASCO-p pisariaqarpallu ICES-ip piffissaatillugu nalunaarfigineqartarnissaat, taamatullu iliuuseqarneq aalisarnermilu angusat pillugit ukiumoortumik nalunaarusiamik saqqummiussisarnissaq Danmarkip (Savalimmiut aamma Kalaallit Nunaat sinnerlugit) akueraa.
- (10) Kapisilinniarnermi alapernaarsuinnermi, aqutsinnermi, nakkutilliinnermi misissuisarnermilu misilittakkaminnik avisseqatigiinnissaq Kommissionimi ilaasortat isumaqatigiissutigivaat.
- (11) 2022-mi Kitaani Atlantikup kapisilianik aalisarnermi malittarisassiornikkut aaqquussinnerit atuuttussat Kommissionimit akuerineqarput. ICES-imit ilisimatuussutsikkut siunnersuinnerit misissorneqarneri tunngavigalugit aamma/imaluunniit § 9 naapertorlugu ukiumut nalunaarusiap misissorneqarnera tunngavigalugu, tassungalu atatillugu pisanik sippuisimanermi, Kommissionimi ilaasortat arlaasa nutaamik isummernissaq piumasarinngippagu taamatut aaqquussinnerup 2023-mi, 2024-mi 2025-milu atorneqaqqinnissaa Kommissionip akueraa.